

ՀԱՆԴԷՍ ԲԱՐՈՅԱԿԱՆ

Ա Ռ Յ Ի Ս Ո Ւ Ս

Ո՛վ Յիսուս, իմ Յիսուս, Յիսուս աստուածեան,
 Ի քեզ զիմ կեանս և զմահ առնեմ ապաստան.
 Համայն դործոց իմոց պաշտպան լիցիս դուն,
 Զինչ և առնեմ եղիցի քո իսկ յանուն:
 Ի գնալն իմում՝ ուհ հորդեացէ քաղցրըդ սէր,
 Եւ ՚ի նըստելս, քաղցր Յիսուս, կաց առնթեր.
 Ուրախութիւն գրեցից մեծ, մեծ յոյժ հողւոյս,
 Ի գիշերի հըսկել ընդ քեզ, իմս Յիսուս.
 Եւ թէ փակին արտեւանունքս ՚ի քուն ինչ,
 Սակայն ըզսէր քո շընչելով՝ առից նինջ:
 Դու ինձ յուսման՝ քաղցր Յիսուս, լեր վարդապետ,
 Եւ ՚ի գըրելս՝ շարժիչ մատանցս ետ ընդ ետ.
 Յ՛աճել ՚ի քարտ ըզսայր գըչիս՝ քաղցրասցի
 Զպաշտելիդ անդ դրոշմել անուն Յիսուսի:
 Եթէ վաստակք ընկճեսցեն զիս եւ թէ վիշտ,
 Յիսուս, ՚ի սէր քո խնդրեցից ինձ դիւր միշտ.
 Յիսուս լիցի՛մ բըժիշկ՝ թ՛եղէց ես հիւանդ,
 Ի քէն, Յիսուս, դեղ խնդրեցից անդ և անդ,
 Ի գիւրկ քո, քաղցր Յիսուս, յուսամ թէ մեռայց,
 Յետին շընչոյս՝ դու ընկալուչ իմ և այց:
 Մինչ սեաւ մահուն յիս հասցէ մռայլ անխափան,
 Սիրտ քո, Յիսուս, ինձ եղիցի հեշտ տապան.
 Եւ յորժամ ցուրտն ածցի զինեւ հողակոյտ,
 Իմ գիր շիրմի՝ անուն եւ խաչ կացցէ քոյդ:

Թարգմանեալ յանգղիականէ.